

黔記卷

泰和郭子章相奎父著

漢州宋興祖汝杰父正

青溪畢三才成叔父校

公署志下

貴陽軍民府

貴陽府治在府城中舊為提學道及文明正學二書院隆

慶四年改建萬曆十四年知府周一經買左右民舍增脩

清軍廳理刑廳經歷司司獄司俱在府內醫學在府東陰

陽學在治西北僧綱司在大興寺道紀司在府東
按察馮成能遷建貴陽府治記 今上皇帝既改元馭
宇內誕敷時命薄海悉臣羣工率職敷戒靡違咸思脩
典制肅綱維以尊 朝廷稱維新之化于特貴州督撫
大夫臣極監察御史臣特舉諗于諸司大夫暨邦之耆
宿條興革之大者以上其各曰臣按貴州古荒服地歷
代迭興直羈縻營聲教耳我 聖祖受命始中國之永
樂十年置臺省官稱藩焉改流土錯雜郡邑之制視中
土多畧非力不能勢固有待也二百年來德化重熙遐

邇懽洽今 天子明開聖緒遠方殊俗靡不向風承流
舉國奉師矧藩服中省尚沿土俗郡縣官司之制不得
與上國齒甚非所以昭明一統廣大造同仁之化也臣
等伏熟計之皆謂會城設府便夫創所未有其勢難今
程番府距省百里而近井廬相屬姻婭相聯介冑編氓
之秀者相與共學為子弟員其勢尤親甚故皆謂以程
番府改入會城便時民夷互訐紳胥之黨角力而爭強
簿牒紛紜盜奸恣睢監司大吏不能纖理則以屬之軍
吏幕職情昵則狎勢輕則撓政務謬戾民無所歸今府

而治之俾連絡十七土司綴之下邑以附城二長官司
之無屬者增屬焉秉其扼塞合外爲內總握要領以承
監司則臂指之形成輪輻之勢集徵發訟獄不忒澤化
布流幽隱畢達經紀秩然純若中邦之制一擇守焉則
理平矣此安邊之要策臣等謹昧死以聞請所立郡
名制下尚書曹議尚書曹議上如御史大夫御史臣
言制曰可其以程番府改設藩省賜名貴陽隆慶
二年議再上三年春制下羣工奔走執事乃度地則
遷提學公署他所而卽以其地稍拓之乃鳩工則捐公

費若干緡是年終經始于太守盧達臨政曰堂退思曰
寢門庭廡舍咸規郡制凡更歲而落成今郡守李濮至
則吏治益蒸蒸然法成理飭增脩未備于是始立石欲
紀其事而乞予文之辭曰於皇時命萬物聿新乘時熙
載西南守臣翼翼上書敷天一體玄化滂流詎有遐邇
擇賢置牧旣治中州胡不均弘協彼遐陬明明天子
見于萬里肇作之邦考慎厥始乃按圖籍命曰貴陽乃
申宗伯錫以符章網維旣肅夏夷祇承州郡足任優于
甲兵維茲牧伯厥任孔勳矧伊新服神謀曷將性善惟

一慎勿鄙夷無偏無黨由溺由饑文德誕敷有苗來格
古訓是師昭茲刻石

貴陽知府李濮題名記畧貴藩省會故無郡治隆慶三年已巳徙附郡程番而更置之其事則憲伯緯川馮公記之詳矣初貴之列郡官不必備因其簡也茲郡附省事務稍劇官聯具列意重首郡耳是年孟冬予承之首溢其事寮案以次至又逾三禩制度漸備駸駸然與內地埒矣僉謂立石題名制不可缺知其顛末者莫予若當自系數語以弁諸首予則何言哉嘗聞今之郡牧古

刺史職也宣德達情輯綏糾正百責萃焉精附居者而諸當道日臨之賢易知否易言且又創置方輅紀法未其處軍夷之雜擾無州縣之難屬居是任者其難理之勢較他郡豈不信哉思其難圖其易謹厥始慮厥終予固不敢自諉亦不能不為同事及將來者望也不紀之則稽覈無資監觀無稽於政治何裨夫紀官則紀政使其純然而可為後人法也則於斯石焉有光矣
知府劉之龍太守戴歲曰維明昌運萬里職方貴山富永咸入版章建邦置守摩於茲皇守稱牧伯古茲諸

侯秩二千石下邑銀旆朱幡熊軾五馬優游召父杜母
漢爲循吏渤海韻川卷卷平治五袴歌成兩岐麥瑞河
北渡虎合浦還珠蒲鞭化洽竹馬信孚甘雨隨車臥轍
載塗帝容民艱寔重師帥豈以邀荒德澤踈窳眼前
赤子鄉鄰同室烏言世服上世淳風帶牛佩犢化導之
功夙夜匪懈其政自通畏彼四知堅此素節一鶴相隨
懸魚比潔酌泉而爽勿溜於澗東海嚴卿晉陽臧處德
讓君子鸞鳳其儔惟胞惟與疴瘵嗷咻三代斯民直道
無斃何武去思冠恂願借一體惟懷誰其有隔我思之
人視履不愆子况異等文翁育賢休聲浹茲吏治幹族
噫嘻小子麟符斯辱盡諾是資素餐惟踴爰曉鄙意誦
言司僕

新晉縣治在城內東南萬曆十八年知縣孫夢龍建
提學徐秉正建新晉縣記畧夫貴州古鬼國之域而西
南之荒裔也其人譎詐變幻執之靡挾縛之不得所從
來遠矣明興諸酋長懾威服義始率衆受職稱臣比
於內地夫時當天造之初夷自爲家人無遮制設二武
衛領之因其恒俗夷方自定未樂中民間戶口物產漸

非其故矣僅僅兩武弁安所資彈壓也乃建清臬諸大夫執其樞而紀綱之而貴州者治始設二百年來二列聖敷膏于上諸吏宣承于下細繁大靡之績武靖聲名文物之盛肩摩趾擊之衆視國朝初不啻相什伯焉夫烏江石門之間今獨非貴竹邪而今音士民更殊若此則得人爲治之效其故可覩也已萬曆庚寅中永葉公來撫茲土問閭閻所興革而益脩其所未備者于是郡守謝君謀司理蕭君集部吏延士夫議改邑事曰貴陽郡先是未有也自隆慶戊辰中丞杜公侍御王公疏請程番府于省治改貴竹平伐二司爲郡兩屬邑而貴陽始有郡郡治旣遷民走百里外聽約束疲于奔命而坐鎮其中者職靡專統地方又無所藉以爲重歲乙酉中丞舒公至定畫復以改建州治爲請自是定番始有州夫岳伯守令上下相維無省無之黔之貴陽亦今之都會也乃改邑一事屢疏屢勘議竟道傍不決雖云事貴以漸然亦拘孿過矣聞之事無巨細人存則行明公得無意乎願亟圖之公問費安出曰於帑歲羨無用捐民間力安役曰括差戍餘匪用妨農問址安卜曰城東

南隅可買以居又問其民何如曰民苦於征歛無度離
心久矣又問其長何如曰念其先而世官之願足矣公
聞言毅然曰茲子職也遂與侍御陳公咨諏籌議下其
狀檄三司長及諸監司再核之議僉協厥迪迺請于城
之東南建縣治設縣令尉各一員以二司人民土地隸
之而土司宋顯甲等改土丞簿俾世襲疏上詔許之與
名新貴於是永從命孫君以聲稱蒙調來董其役以金
計凡七百七十有奇以力計凡數萬以楹計凡百二十
有九以址計周匝凡百丈議于隆慶戊辰越二十餘年
而論乃定功始于辛卯之夏五月而癸巳之三月乃告
成下以開一方千百年之業上以彰國家大一統之
盛官同告困民罔知勞後先一心共成盛舉語云事以
○人行豈虛語哉

金筑安撫司治成化十年建

定番州治本舊程番府成化十七年建萬曆十四年改州

治○程番司治附郭至元十六年建○上馬司治○小程

番司治○盧番司治○韋番司治○方番司治○洪番司

治○臥龍司治○大龍司治○小龍司治○金石司治○

羅番司治○廬山司治○木瓜司治○麻嚮司治○大華
司治已上各司俱洪武年建地里見沿革

布按分司州治東北隅成化十七年知府鄧廷瓚建

宣慰司在省城內北洪武五年建成化間重建經歷司在

堂左○水東司城北澤溪安宣慰寓宅左洪武十五年建

○中曹司城南三十里洪武五年建○乖西司城東一百

五十里永樂元年建○青山司城北三十三里○龍里司

城東五十里○劄佐司城北八十里○底寨司城北一百

里○養龍司城北二百二十里俱洪武年建○白納司城

南七十里永樂四年建○陸廣河巡檢司城北一百二十

里○沙溪巡檢司城北二百里○黃沙渡巡檢司城北一

百四十里○稅課局城北成化間建○豐濟倉城內南洪

武年間建○預備倉城內東成化間都御史陳儼建○萬

曆三十年內巡撫郭都御史發銀三百零九兩撥貴陽府

知府吳來庭建便屯倉一百間

貴陽府通判前刑部郎中夏燠便屯倉記中丞郭公平

播之二年邊鄙旣戢百廢具興乃復擇隙地置倉於省

之東隅以便兩衛屯糧之輸灌名便屯倉或謂黔旣有

豐濟倉矣焉用是倉爲則爰嘗考於利弊知之按黔設
省衛二衛轄百屯歲計屯糧七千有奇雖不當中州一
邑然而祖宗分屯列戍以衛疆圉控裔苗而屯以
餘粒歲輸官給軍餉十三蓋亦積貯之大命也惟是屯
百而屯之倉一輸者驛絡而倉不及收則守候淹不便
一有守候勢不得不寄店戶寄店戶則租賃有費鋪墊
有費不便二又况寄貯而久也風雨漂泊歲月捐耗不
便三其甚者官藉口於輸費之艱必且多科派多科派
則病屯耕不便四官恣意於出納之便必且多乾沒多
乾沒則病公廩不便五區區瘠黔屯所入歲幾何而以
當諸弊實徒令屯內自潰而外飽奸慝之蹊愁國家恤
屯養士之謂何公曰弊不一革者不永利於是檄貴陽
吳郡守捐公帑三百九金庀材鳩工置倉凡百楹每屯
各爲倉每歲屯各爲脩而屯者視倉如家藏以倉輸官
近而官亦易行其綜覈無守候無虛費無歲月得失之
虞無公私牟利之害舉一物而數善備焉蓋屯之久利
長便具熟觀矣是役也經始壬寅之孟冬不踰月而告
落成屯人趨事子來有以也爰是爲便屯倉記

貴州衛

衛治省城內都司右洪武四年建經歷司衛二門外左鎮撫司貢院後左左千戶所衛前嘉靖十五年因建貢院改建于此右千戶所衛治右中千戶所衛治左前千戶所衛治二門外左後千戶所鎮撫司前俱因建貢院改置此

貴州前衛

衛治省城內西洪武二十六年建治城中景泰五年改建布政司于其地乃遷建于此經歷司衛堂左鎮撫司城中去衛百步許左右中前千戶所衛治左後千戶所衛治右養牧所在教場左故養濟院在會城東故牧馬所在貴州前衛鎮撫司署左萬曆三十年巡撫都御史郭子章遷二所共建一處前以宿孤老後以養操馬故名養牧中爲胞與堂自爲記

新建貴州養牧所記夫物有外之而寔以內之讎之而寔以愛之者夫非以外內之以讎愛之也欲內故外欲愛故讎事固有相反而相成者張樂於洞庭之野曼而饋代宰而食而鳥不至椒蘭爲餌瑰玳爲鈎而魚不至此愛之而讎也藜豕於義臺路寢而躡躅逾甚食鹿於

廣廈細旃之上而鹿逾逸此內之而外也何者非其性之所適也予因是而悟夫治甸治馬者焉黔故有養濟院在兩臺署之東雜處於縉紳宅舍之間而日呻吟作苦故有牧馬院在閫司傍貴陽府後馬日瘠而死者已過半矣予乃訊之甸長圍人曰罷癯殘疾吾兄弟也馬以備戎事田事備戎事田事備郵傳於公家勞劬矣有司處於闐闐朝夕耳而日之庶幾時其衣飯稽其水草若之何若且瘠也甸長舉而對曰養濟全於城甸之院甸之園也甸日汲井井者驅之曰毋汙冽甸日曝於衢市人驅之曰毋汙市甸日樵城距樵所遠又病弗克肩何甸是以苦圍人曰齧草飲水翹足而陸交頸相靡馬之真性也城惡乎水城惡乎草馬是以日瘠而死于憮然曰是非張樂投椒以來魚鳥邪是非秦豕鹿於臺廈邪乃謀之直指宋公宋公曰亟遷之而可乃檄監司及貴陽劉守文光徐丞公縮熊司理新之貴前二衛署篆指揮楊師震李棟材市隙地於北關演武場西以其半作藁蓋居甸者半作廐治阜棧居羣馬而令千百戶鄒宗魯羅三省等董其役役旣總名之曰養牧所堂曰胞

與堂爲郡縣有司及園林氏蒞臨之所經始於萬曆庚子仲秋已事於辛丑長至于以闕武一過焉勾長率其徒迓曰勾今而後始得汲且浴於渚樵於近林曝於壇場不爲市井驅矣校人庾人呵引馬而前曰今而後始得時出入游靡分序棧牝牡嚴刻剔羈策不局於城隈矣予又憮然曰茲非所云外而內之讎而愛之邪夫勾不樂與市隣馬不樂與官舍隣則日苦而瘠遠之郊坰牧之洲渚則日喜而肥適不適之故也勾不適不能治自馬不適不能治馬民不適惡能治天下夫治天下亦

適之而已

平越軍民府

平越軍民府與平越衛同城在衛左平播後萬曆二十九年兩院檄知府劉冠南同知楊可陶建○府正佐衙署俱在府內經歷司在府內左○守備署在城萬曆三十年建平越衛在府右洪武十四年建萬曆二十九年重脩○經歷司在衛內左○鎮撫司在城內洪武二十一年建副使趙之屏脩○左右中前後五所在城內洪武間建○稅課司在衛西洪武間建○廣豐倉在衛南指揮端聚建○察

院在城內○按察司在城西南弘治間建○兵備道在城內南成化間副使方中建嘉靖間趙之屏脩○分司公署萬曆二十五年副使詹啓東行推官李珏重建○按察司治在府東二十里洪武間建

黃平州與黃平所同城平播後萬曆二十九年兩院檄知州曹進可建○知州判官吏目衙署俱在州內○按察司黃平所在城內洪武八年建○鎮撫司在城內○按察司在城內宣德間建成化間重脩

餘慶縣平播後萬曆二十九年建○知縣典史衙署俱在

縣內

甕安縣平播後萬曆二十九年建○知縣典史衙署俱在

縣內

湄潭縣平播後萬曆二十九年建○知縣典史衙署俱在

縣內○察院在城內萬曆二十九年建

都勻府

都勻府與都勻衛同城在城西北隅弘治七年知府凌文獻准官舒維綱建○經歷司在府堂右○陰陽亭在府右○都勻倉在城東

都勻衛在城內西南隅卽前元都雲安撫司洪武二十二
年指揮黃鏞建○經歷司在衛左○鎮撫司在衛右○左
右中前後五所俱在城西

兵備道在城東成化間兵備方中建弘治間副使陰子淑
增建○察院在城內東○養濟院在府治南○都勻司治
在府南邦水司治在府西平浪司治在府西俱弘治十七
年建○平州司治在府西南

麻哈州治在府北○樂平司治州北○平定司治州東北
都清守備署在州城內

獨山州治在府南○爛土司治州東豐寧司治州南俱洪
武八年建

清平縣在清平衛城內弘治間建

鎮遠府

鎮遠府治在鎮陽江北石屏山下宣德元年知府顏澤建
中爲同心堂李文祥記○知府衙署在府內署左玩易齋
前有梧桐六株知府程燾名曰六梧堂有記○經歷司府
堂左○司獄司府右○永豐倉府東北正統四年建○稅
課局府東成化間知府徐虔建○陰陽學府東醫學府西

察院在府西嘉靖二十四年改建

巡按御史萬安張雨詩○使節當年客華山曾於仙掌
一躋攀應知選勝烟霞外那得憑虛塵市間此處諸天
三界近何人雙鳥五雲還請看銅柱東南際未許邊烽
入漢關○天畔孤亭四望踰蕊珠宮殿白雲遮玲琅梵
語三千界燈火鐘聲十萬家便好斗邊看劍氣擬於河
上問星槎公餘偏得登臨分回首風煙數泰華○南去
滇南踰只尺北瞻極北是長安海桑日觀千門曉垣竹
冰壺五岳寒謾有風雲生足下不妨車馬動江干月明
疑是玉喬侶落盡梅花十二欄○勞碌東南無了日風
塵西北欲何之將軍鐵馬斜陽路丞相朱旗五月師勳
業好逢明聖主人生那復少年時臨高不是新亭客
王露金莖有所思

石政分司在府西正統六年建

按察分司在府東嘉靖元年兵備劉瓚知府羅鳳建

雲南按察使陳洪謨詩○三楚山川此地窮夜郎西望
古南中百年治教衣冠變萬國梯航道理通芳草郊祠
春意滿古槐庭院午陰叢江天縹緲風波靜擁廓應懷

范老功○南峯詩○幾載輶車此再停逢人猶說舊提
刑行藏已向 明時卜榮悴還從晚節徵過眼雲煙今
古路感懷歲月短長亭底應獨蔽西風面恐送邊城草
木腥○門必東詩○鎮遠城孤寄憑高山四圍官封無
雜堞吏隱有漁磯慣野獮猿足宜嵐草木肥那知居異
貨猶有富商扉○工部主事張估過鎮遠詩○刻木橫
清瀨能專濟險功六人三抱瘦十戶九遷戎野色涵春
暝崖聲聞晚涼將軍誇勇力擒賊若擒獍
朝元閣在府 萬曆壬寅巡按御史畢三才建閣名朝元
閣之中題八窻玲瓏閣之上題空中樓閣自爲記

記曰夫山川豈徒積塊哉與教化關學術要以翕藏氣
脉間發精英夫亦人文一苞孕也故見有形勝蜿蜒照
臨秀特則名鎮雄都於焉肇設而其英偉迸鍾才雋翁
蔚往往爲寓內先聲何也地以名山爲佐石爲之骨川
爲之脉草木爲之毛土爲之肉人之形山川之形也山
氣多男澤氣多女石氣多力險阻氣多瘦立氣多狂衍
氣多仁中土多聖人之氣山川之氣也教化學術所以
造士所以踐形養氣而山川者形氣之元也余何能踵

愚公之移效巨靈之擘令山若增而高水若增而秀耶
獨作人一念觸於目動於中不揣若見木起計度之心
然間者奉命按黔巡行澗罷其罷環山襟河協氣四
匝隔水有中河山巋然峭拔江漢合流雲影天光下視
諸峯爭妍獻麗從巒宮望之一奇觀也獨其峽峙中虧
全者若缺麗人云宜建閣培之於是卜吉鳩工百役具
作因山之宜砌石爲臺構閣三層其上額之曰朝元夫
元大也環澗皆山茲山獨大四方拱揖若朝宗此以山
川言也不元首也尉佗在南粵立臺以朝漢室朔望升
拜號爲朝臺澗距燕遠甚儻亦有神京西北之思乎元
長也解額之長皆名元聚而上以升於朝人臣事主以
入爲大則簡脩進良之數焉閣之中額曰八憲玲瓏此
象我心其上曰空中樓閣若直探月窟而躡天根東顧
燕窩黑石樵歌漁唱名蹟邃幽庶幾有隱君子乎其
西則石屏山鳳蹲龍翔儼然端人之在望也北眺古洞
遐思紫陽忠武而弔其遺風南望峯岫晴嵐森森矗之
蒼翠可掬恍若建旗鼓之壇而承明珥管也閣高而安
虛而明風馨一振萬籟音發孤峯若動絕壁有聲壯哉

觀乎山原吐氣而川澤生色矣孕靈毓粹意在茲矣雖然余非爲是崇堪輿家言也黔入我昭代闢啓鴻濛亡論有虞而來數千百載甫脫煙芥晦暝爲仁義禮樂聲教之區且代遭聖神崇文額俊頻增科額幾與中州等而彪炳顯著自孫文恭申柱史數君子以外無聞焉非茲七觀風之一闕耶是用廣厲學官申其功令振發其精神意氣無已又托而寄之山若水使夫望靈臺而歌辟靡詹蓄金而慕隗始仰麒麟而思霍蘇登雲臺而羨鄧賈咸知人才若斯之重也將司世者毋徒摸

索暗中搜羅維臨時而務加意於臨培躬化爲士者毋徒口耳訓詁獵釣聲華而直標心於真醇完養上得所爲教下得所爲學學術真經濟亦真出爲忠入爲孝創垂爲節義事功庶幾哉丕顯地靈雄視西南爲萬內一大式廓而與斯閣之興相符應乎是役也經理於壬寅月日越明年正月日厥功告成會中丞青螺郭公巡行新造郡邑道出澗溪相與勝於國平以格之公勳業文章爲一時冠撫黔雖在軍旅未嘗不以作興育養爲懷蓋忻然有當余言也日吾觀澗溪抗辰浣土

流爲滇黔門戶而所稱香爐烟靄者又爲潯溪巨鎮茲
閣之建用不煩官府民不廢時務裁成增補得風教之
所重而意念獨深果達此難諭黔諸阨可也蓋一潯溪
哉余退而勒貞珉以記之
蠟衣生詩上元入鎮遠畢甲石柱史招飲新亭○石柱史
新亭火樹繁相邀劇飲醉平原星橋潯水波潯漾燈市
舛厓笑語喧鳴鳳回天聲謔謔乘驄將雨灑兀兀八香
兩載同甘苦何日匡山共灌園

鎮遠衛在鎮陽江南

都察院在衛城內嘉靖二十八年巡撫都御史李義壯建
程燦新建行臺記嘉靖戊申歲仲春中丞三洲李公撫
巡鎮遠時銅平未盜公方舉事以其地之邇也使節駐
焉明年己酉孟夏進燦曰本院久於斯藩臬集於斯行
臺當鼎建也汝其圖之燦乃訪之衛城得祝都閫故宅
今其孫世臣稱貸數多而欲貨者因達觀焉門堂荒寂
三樓翼如背山面衛枕城閣閣下隙地坦厥可以改作
者謀諸衛之守備李瀾指揮石印曹遷許遷丁表任紀
柴本李陰周官韓閩何章尹民畏僉曰公私兩利許遷

書券丁表經貸曹遷受若直牟爲世臣別業房田半俟
世臣襲職之費議協緒就衆詣公堂下報曰合公曰祝
利於斯衆快於斯事之得宜於斯如直取之誠宜也若
夫闕隘飾新補不足有司責焉汝其營之燻乃同通判
楊薰相宜度工財取諸權餘力取諸印水樓仍之堂陟
之重門殿之大門磬折之賓旅堂胥吏皂人庖人房咸
以正罔缺又詣公堂下報曰完公曰躋於斯蓋於斯賓
旅於斯肅政端禮不可以無名義貴州八郡十六衛文
職武弁異焉戍卒民苗異焉風土習俗與中州異焉偏
重匪宜也然非明白洞達無以燭其幾非忠信誠懇無
以動其物故文以附衆武以威敵三代之政也名堂曰
顯允名重門曰揆文奮武爾身在外乃心罔不在王室
臣職也虛己咨諏以計斯土之長治久安者藩臬同心
也名樓曰拱辰名堂曰籌邊汝其書之燻乃居敬正心
大書刊木而扁之儀文秩如規制莫如又詣公堂下報
曰美越孟秋吉而公使節遷駐又進燻曰始創於斯世
守於斯告來示遠不可以無言也汝其記之燻次前言
而勒諸石

司寇顧應祥籌邊堂詩○石屏如畫正當前小結幽軒
情可憐遠道衝炎聊駐馬中丞容歲此籌邊沙田始種
初逢雨戍堡頻開未息烟已向南中辭重負且歸白下
作神仙

鎮遠縣治在鎮陽江南弘治十一年以廢長官司改建知
縣孫靈脩

施秉縣正統九年以蠻夷司改建正統末苗燬景泰中以
治迫苗退岑麓圍以居天順三年知縣李圭就國據險立
署成化四年知縣寇敏移建國下○預備倉

偏橋長官司治在中寨鳳凰山下嘉靖二十年通判楊薰
建○存濟倉

平水長官司治在蕩洞嘉靖二十九年通判楊薰建

思州府治永樂十一年知府崔彥俊以宣慰司改建正統

己巳燬於寇成化七年知府王常重建隆慶四年遷於平
溪衛萬曆六年復於故府知府楊雲鵬建十年知府榮懋

昭議允築高基址丈許遷依後山中為泰初中憲二堂後

為萃福樓前為儀門開藩首郡樓偉然改觀矣○理刑廳

府堂左○經歷司府堂右○陰陽學府前左○醫學府前

右俱知府蔡懋昭建

察院治左知府蔡懋昭建

御史毛在思州察院記貴州于宇內為僻壤思州又為

貴州僻壤也開設在永樂十一年正統末寇城陷迫成

化中復免堞議調威興平清四衛官軍哨守而清浪叅

將往來調度隆慶初以供億奔命之苦議遷府治于平

溪然舍僻就衝民苦益甚至萬曆五年復議還舊觀哨

守官兵因遷府並掣乃別募練兵百名祀守關隘僅取

充數無裨捍禦自是不無隱憂且觀風使以道僻事簡

往往不至故院署亦不脩葺余按黔南念觀風之職雖

深山窮谷車轍必遍未可獨遺思州而思守蔡懋昭欲

調平清二衛官軍合襟以壯威武許之既入其疆則見

風俗醇厚民知畏法無大奸諸生彬彬有文而城郭再

關保障足恃入署則見規模壯麗後倚一山風氣歲聚

問知為今日政初也噫嘻美矣使君亦既有署可居矣

何可鄙夷思州而置之度外也余聞此中流寓倍于它

郡土民苦于丁差乃以計田均差之說檄府議又兵力

寡弱將來可虞而以復設哨守之說檄道議夫使君之
至不能無擾于民倘均差之議可行則衆擎易舉民力
可繼自此有以報吾民平清二衛官軍之至亦不能無
擾于民倘哨守之議可復使府衛體勢聯屬如唇齒相
維民居依然安堵其爲報吾民者更大也院署之新真
有記余特紀時事之大略如此以告後之君子俾知思
州之可以駐又知思州之不可以不駐而歲一至焉庶
乎此署之新不爲虛矣

布政分司治北知府張价建○按察司治南知府王常建

○思州公署在平溪衛城內○預備倉在城隍廟右○美

濟院府治南○都坪司治永樂十一年長官周瑛建○黃

道司治洪武二十五年長官劉弼建○施溪司治洪武元

年長官劉道忠建○都素司治永樂十一年長官何文學

建○守禦所署萬曆十一年知府蔡懋昭建○都坪巡捕署

萬曆二十四年知府李仕亨建

銅仁府

銅仁府治洪武初爲宣慰司治地永樂十一年建正統十
四年燬於苗成化三年知府楊顯嘉重修嘉靖八年知府

葛鴻增脩萬曆十二年知府方範十七年鄭應齡二十四年知府張錫重脩

知府魏文相銅仁府題名記畧貴州古鬼國之域距京師萬里西南荒裔也銅仁郡自我明興始建官亦全設後以簡裁去同知通判知事照磨檢校等官其地僻居萬山中林箐岑峴劍鋒指攢苦霧瘴氣時忽昏翳不免有豺虎蛇虺之虞領郡者拜命怏怏不樂不憚其選且小卽疑其猛惡難馴間有莅厥政者日悵俵然莫轉去殆弗屑理無異秦人視越人之肥瘠信如是則銅仁知府溫陵張錫題樵樓詩○層樓兀突俯城西綠樹青山入望迷檻外溪聲來遠近崧頭石色見高低銅江日暖潛鱗麗畫閣風清舞鶴齊白晝官閒無箇事登臨緩步聽鶯啼

經歷司府堂左○司獄司府堂右○預備倉府治東○惠政藥局知府宋銳魏文相以申明亭改建○養濟院銅江書院右

祭院在府西長官李淵舊宅嘉靖庚戌重脩

御史薛繼茂詩○銅平天塹最稱雄聖代輿圖萬里同

攬轡乘聰聊問俗賣刀買犢已成風碧山峯起青霄外
劍氣霜飛白日中從事簡書楓陛遠幾回清夢到鷓鴣
布政分司在府西舊為總兵府

分巡撫苗道署在府後舊為書院副使錢拱宸更脩為巡
道署

副使張斗銅仁兵巡道題名記畧黔自古號鬼方秦漢
來羈縻而已我皇明統寓永樂年間先後建藩臬二

司與都司鼎峙將以中國之治治之矣仍分清軍等一
道內外相繼而思石兵巡道則駐節銅仁郡與總鎮提

似不必郡亦無庸置守任其泯泯焚焚互相魚肉而已
天子惠養元元而資二千石共理果若是乎哉自貴之

開邦列聖濡摩于上諸吏宣達于下立酋世長各迪
有功輕其程役時其轉輸甲冑以威庠序以教錄俊登

杰細繫大縻樞機周且密矣銅俗質直簡訟樵漁耕牧
歲租易入風土人物駸駸乎可觀蓋夷而華者也五黨

其可以夷視之乎雨露不擇地君子不擇人故鳥獸悅
惠豚魚及孚忠信篤敬蠻貊可行地之遠邇大小美惡

其不足較也明矣前政諸君子膏雨襦袴而臻治理效

者孰獨相躡寔我元龜惜郡無志漫不可稽相也才薄
 德涼夙夜祇懼求無忝于父母師帥之寄推官勞君周
 相司按訊職分理景行先哲不謀而同由是以嘗官斯
 郡者徵諸故老撫其姓名無不銜刻之碑樹之府廳之右
 予輩亦廁名績之邇予而上得二十三人勞以立其本
 一人今而後按名覈實懲非鑒良勃焉若有與者可以
 得寡過矣

知府何大綰重刻銅仁府題名記畧郡縣之有題名做
 唐勒石慈恩之義志不沒也義固志不沒已乎門唯唯
 否否夫士也榻管一室不習為吏一旦紆紆綰符叨儻
 石之儲而寄以民社五方異俗人情異高祇以我之先
 得者應之竟為異局矣傳曰先事之不忘後事之師也
 峴首雷陽千秋墮淚蒼鷹乳犬百口雌黃金可錄石可
 泐而否藏在人心中者不化是題石非徒表職官亦以昭
 官箴使守土之吏惕然思懼然懼炯然法戒不越此已
 銅自長陵置郡於黔之東微初全設尋裁一守一推
 隸司六附郭政流自近年始合幅員不當中州一縣而
 田廬東南鎮落也譯治者率易言之不知犬羊出沒蹂

我黎元則綏懷難瘡痍未起膏脂幾竭則租庸難簡陋
襲故弊孔叢張則振刷難民雜軍士地逼川湖則程督
難備此諸難是以展采不易莫觀成勞况典城選方卽
水壺霜鏡不上聞上聞詎盡登進自非卓有定見成敗
不搖者罕有固志吾輩幼學何事踰伏何懷而可爾爾
前守佐如王公恕李公資坤勞公周相輦夫非郡長老
所傳述治行者邪乃其人不數數見如龜毛鳳彩然不
可盡答於下脩而上不應矣銅舊有題名而郡守之次
盈因諫於連城譚公更置一石榻以不文之詞

衛而治銅介在一隅實川湖貴九種苗賊淵藪出沒不
常動輒千百成群大都束手而斃蒿目而視矣禦南倭
北虜知謀響應兵糧饒足且不吝封爵重賞以懸之而
此區區以幾營哨以數疲卒當其鋒且其條來修去疾
如掣電巉崖絕嶺走如平地其視南北之水陸可馮者
孰難孰易而諸材官豈盡無急勇以願効死力者哉然
而蒙爵賞者曾有幾且懼三尺尾之矣若之何其不難
之也銅苗故屬兵道而節鎮思南則遠守道駐鎮銅仁
則悖當時守道張公克家兵道應公存卓灼知其遠且

悖也又灼知其難且不易也上議兩臺更番互易巡按御史毛公在會同巡撫都御史舒公應龍題詔允其議於萬曆十四年奉勅改駐焉於今又越十餘載所矣視爲傳舍未有礮石此誠一缺典也已前不具載爰自方公以下至不佞計五員泉其姓名等而紀之石且爲之記

總兵府舊府在西南萬曆十一年總兵郭成移鎮比門銅仁縣治附郭萬曆間建○省溪司治提溪司治大萬山司治俱永樂間建○烏羅司治平頭者可司治平頭守備司治司內俱正德間建

思南府

思南府治舊思南宣慰司署永樂間改建正統間燬景泰三年知府何輒重建知府宛嘉祥陸從手相繼增拓

推官陳尚星重脩思南府署記貴藩逸東首郡曰思南古在荒服外漢號西南夷歷唐宋入貢賦猶未能版圖之也我太祖龍飛德威廣被厥苗納土效順錫官宣慰秩三品俾世守焉亦來郡縣之也成祖御極十二年革宣慰司列郡置守倣中邦規範創府治辦堂階分

屋奧竟敵風雨耳後先繼守者從俗而治幾二百年嘉靖丙辰余來理郡刑思變而新之力弗逮逋八旬白湖

宛公嘉祥以司徒大夫出守茲郡已未秋因其塌遂重建焉夷民懷公德咸子來公曰勿亟捐俸掄材如治家

甫入閱月告成規模宏麗氣象雄壯基脉迥岩門橫龍而下勢如累珠公度中正建堂方五丈許高稱之臨民

之所備矣又道制左右翊以經歷照磨所堂下爲露臺

臺東西列胥史卷解者十數豎儀門九九間又于堂後建寅恭堂廣如正堂堂左爲延賓所右爲退食居可二

十餘間堂後乃舊堂一座仍之舊堂後又因其舊樓葺之而續建東西虛閣六楹中爲迴廊意亦云休矣夫土木之功尚儉者晉于費器小者局于制又況以官爲傳

舍者安望其視公事如私事而盡心竭力若此也公保

民如子視國猶家故是建也能隆千年之美輪奐與弗

擾弗驚惟茲二邑四司之民雖云興作而對不慶樂觀厥成而力不勞歡忻鼓舞亦如其私室之範楮焉亦足以驗民悅之一端云

經歷司照磨所俱府內左○司獄司府堂右○南平倉府

堂東北○陰陽學醫學俱府前○預備舍五一南平舍後
一水德司一蠻夷司廳右一沿河司一朗運司左○養濟
院二一兵備道東一山川壇西○水德司在府城治東南
○蠻夷司治洪武十年置
察院在城內左隅弘治十八年建
布政分司在城內左隅永樂間知府陳理建

撫夷道在儒學右永樂間爲演武場嘉靖間都御史劉仕
元奏以分巡道移鎮於此嘉靖十年命事康世龍建萬曆
五年巡按御史毛在疏改分守道移鎮本府以兵巡道駐

銅仁

婺川縣治正德十三年建

檢討金皇婺川縣治記嘉靖壬午孟夏眉山熊君价自

浙川戶婺婺古牂柯要路在蜀楚交會間轄思南郡去

郡四百里省方相軋創爲邑以合容其民勢也視內之

邑爲有間亦勢也正德間流賊四方嘯聚自四川江津

行劫无聚於婺居民咸走匿山澤與猿狖爲伍婺亦舊

無邑規公所出治苟且蔽風雨以加兵婺并墟蕩然熊

君至無所居廼誅茅築卜用盜斡止敷政優游婺民大

悅遂以是歲孟冬相視林衡度伐林木又明年爲癸未
孟秋焚石通道土民刻信欣來赴役木材亦至公所又
募陶工範瓦以片計者五千有餘萬事漸集乃鳩工告
期計程縷數以從事公廳六楹高二丈有五尺橫闊倍
丈之二深則益丈之一而尺亦楹一中廳之高減公廳
之八尺橫闊如之吏舍翼列屏障高峙神祠幕廳皆有
規制內墻周匝三畝譙樓鎮之外墻內墻三畝五十步
覆瓦重簷翼飛轟落南北東西門有執望公館舖舍新
創斬斬一目之中煥然生色矣君會計酌工食之中捐
俸益措置之之葵民忘其勞乃合乃之循循自癸未迄
己酉冬用其一不妨其二公私欣欣得濟于美亦難矣
夫爲政須要有綱紀則名分定而惠勿流建事貴審先
後則事成緒而民不擾使公所躋于民居則玩愒弗勵
非莊以莅之之義期會詳于束濕則急遽無漸非以佚
使民之心觀熊君治其得古人爲政之方哉予以時曾
經葵地予祖夢倚翁作郡思南葵屬邑也土人至今遵
思之感今懷舊烏能無言

預備倉縣右○養濟院

○都儒五堡巡檢司治在縣

西

思仁道縣治左

印江縣治弘治八年建

知府帥機重脩印江縣掌記畧印江係印土司郡志莫詳其始 孝皇御極之七載始更置邑延今凡百禩矣維時草創踈畧歷數十令無能易非當事之憚煩繇財用絀乏經畫艱也萬曆辛巳夏莫令奉 上命蒞印邑堂敞甚計脩之令曰今大造丈田二事並行也吾里中之民執弗逮顧邑山產材而各寨寓民力多暇可以寨運之衆亦懽呼稱喜遂下令不踰旬而運者繼至令始命卜工以丈田事促出舍于郊無何羣力效勞羣工效技明年春棟宇如期崢然竝立堂正廈三間額其中曰忠愛前爲棹廳間如之後旁爲耳房左右一間中爲川堂堂前後各一間堂東置庫房一間迤東置糧倉南北相面各三間中爲廳一間大門爲牙牆邑院後竝左右關爲周遭通道四城墻重門設刺板上下街內外竝置柵扃鑰嚴面啓閉時百禩來邑治犁然整煥然新諸班就緒者不可勝紀且財不費民不勞皆令之措處育方

也厥功良亦偉哉今名與京字寰冲廣西南靈宣化人
登隆慶元年進士

預備倉縣右○養濟院縣西

察院在縣後○思仁道在縣右○覃韓偏乃水巡檢司治
正德七年燬十五年建○沿河司治永樂十一年置○朗
溪司治洪武十年置○板橋巡檢司治弘治間建

石阡府

石阡府治永樂十一年建正統己巳燬于苗成化間知府
趙榮遷建嘉靖庚申知府蕭立業拓脩中爲忠愛堂後爲

官適軒翼以申明旌善二亭

鄭廷璋重修石阡府記石阡爲郡始於永樂十一年郡

治枕推麓橫截流泉取坎離之位爲輔弼而坐臨乙辛

亦因地勢爲之規畫耳舊制公堂距大門僅三十步圖

制稍逼前而湫下俯瞰四周規局淺促外闕部位不容

竝駟堪輿家所謂聚落前無餘悉阻水沙短戾弱者是

也公宇歲久欹頽輒植摧落弗稱嘉靖丁巳太守蕭公

下車回眦縱諦蹙然興喟謂是在易象所謂棟橈而幹

盪之時也異而上承以德與民物更始將安該邪維時

詔需殿材孔殷民咸趨樸斷縷緋之役帑峙錙緡窘且
詘不可爲公亦弗能自慰旣而督採于山見巨材非棚
棧不行其抵瀉澗非圩堰不浮棚棧用拱把雜枿糾閣
縱橫動以萬計而圩堰倍之其斲束草置圖土壘濬之
功又倍之語廷璋曰民採木率矣脩理似可稍緩顧包
漢賽溪產木諸山皆據府上游吾民動以千夫之力役
役經年而出巨材于削壁飛瀑之石則力省於茲者何
難爲雖有知者不如乘勢此不可失也于是命工伐木
丁包漢于賽溪因棚棧以行因圩堰以浮不決期隨巨
材出者無虛_乎植大可棟次可楹又次可椽可柁旣集
矣迺募梓人石人陶人于隣封又括差戍土軍拜城垣
役夫可二百人賞其勿稽肩途之勞而從事于蒿揭採
築之役傭直稍食腴殺有差官爲給資不與於民命土
官楊正東等分督其工而公親劑量銖纖如經理家事
旣鳩以僞遂洎吉度地撤其舊而維新之徙麗譙於街
右百步之外更爲大門徙儀門于舊路臺之址公堂於
舊衙川堂左爲經歷司右爲庫便堂于舊寢室抱廳于
舊便堂東西吏廡相翼屹如又徙倉廩于偏右隙地而

建衙宇於其上理刑衙則廳事仍舊寢室廊宇亦更新
之由是宏殿軒豁勢不俯瞰而阻沙環抱得應圖合制
之宜民庶瞻仰聳然易態矣夫登人之堂見廉隅丹堊
墜茨整如其王可知也入人之園見宮室階除門垣屏
闌幡然剝繆以從制其牧守可知也矧民不知勞事半
功倍非公才猷之敏識見之卓其能謀定慮動若此邪
是王經始於庚申歲春三月落成於夏七月公諱立業
別號勤齋江西新喻人由冬官尚書卽出補令官云
知府祁頌石阡府題名記孔子居九夷不以爲陋後之

君子行乎夷狄者於是取法焉文翁於蜀韓愈於潮宗
元於柳皆其人也夫天下無不可化之人亦無不可居
之地而况太平之世一視同仁無間遐邇者哉石阡屬
貴州在古堯服外三代以前鄙而不浴漢唐而後大抵
羈縻之耳皇明德威聲教無遠弗届貴州自洪武初
已歸版圖而石阡猶置長官司爲恩南宣慰所統永樂
癸巳始郡其地設官以撫治之列聖繼統仁漸義摩
易椎卉以衣冠變刀劍爲牛犢民安其生士奮於學宛
然中州之俗矣是故本於聖神綏來動和之妙而作

郡者奉揚宣導其功亦豈少哉郡初置守佐凡四員宣
 德間裁同知景泰中復裁通判然自開府至今七十餘
 年題名之典未立前任人已不能盡知者矣予治郡
 之暇恒有意於斯適同寅節推張君世華始至忻然贊
 成其事乃命工礪石刻今昔宰條名氏與凡履履之槩
 其所不知者則闕焉於賦石什件在邊徼自昔無聞所
 幸遭際清朝進於中國而官斯郡者又多偉人君子
 有用憂變夷之功信乎繼貂可行九夷非陋也予因是
 記之一以見 皇明統御之大德化之隆超漢唐軼二

代一以見為政在人不以居夷而損如文翁輩自是
 於不泥若夫因姓名以考其人之賢否則勸懲之道亦
 或有小補云

經廬司府堂左照廳所府堂右司獄司府右俱嘉靖年間
 建○預備倉二一在府治後一舊營司○養濟院府治北
 隆慶二年推官王朝用重建○社倉察院右隆慶三年推
 官王朝用翔萬曆十九年知府陸郊二十年推官高情和
 二十四年知府郭原宥各建四間○石阡司治府城南嘉
 靖二年重建

祭院在城內知府蕭立業建

撫夷道在城南知府余志建○公館在城南隆慶元年土
官安處善建

臆泉縣平播後萬曆二十九年建○知縣典史私署俱在

縣內

察院在縣城內萬曆二十九年建

鎮夷公館在府東六十里木貢關下嘉靖三十三年副使

劉景韶建○思石道在鎮夷館右隆慶元年僉事周以魯

建○苗民司治洪武年間建○葛彰司治永樂十一年建

黎平軍民府

黎平軍民府治永樂十一年間建於城西弘治八年知府

張綱始改建於土開倉場嘉靖乙酉知府祝壽重脩○經

歷司府堂左○照磨所府堂右○司獄司府右○大有倉

在府東南○預備倉治西湖廣巡撫吳琛建○養濟院在

西門外知府高徽建

按察司在城東南隅

兵備道在府後

參將府在府西

永從縣治正統七年建二十九年燬于苗三十年重建○
曹滴司治○古州司治○洪州司治洪武五年建萬曆四
年特洞都莫二寨苗賊燬之今寓中右所城○潭溪司治
○八舟司治嘉靖三十一年改建○新化司治○湖耳司
治洪武五年建後爲穩洞苗賊所燬○亮寨司治成化七
年建○歐陽司治洪武五年建○中林司治萬曆六年新
建在洞浦寨之北初司治在龍冲嘉靖三十三年燬於款
遷古司再遷洞浦云○龍里司治在地茶寨隆慶元年新
建初洪武間置在龍吾寨又移官團寨址竝存○亦溪浦
洞司吳氏居左楊氏居右

安順軍民府

安順軍民府治故安順州治洪武十五年建州於八十一
寨正統間改土設流建治於普定衛西南隅弘治間知州
李騰芳重建萬曆二十九年巡按御史宋興祖題改爲府
○經歷司在府堂左○廣積倉在城內東北○養濟院在
城內東北正統間建嘉靖三十五年重脩○靈谷司治在
府西南○西堡司治在府西北

普定衛與府同城衛治在城西洪武十五年建○經歷司

在衛左洪武二十五年建○鎮撫司在衛左左右中前後
五所在衛前街俱洪武十五年建○養濟院在城西普定

站內

察院在衛南洪武間建

布政分司在衛南嘉靖十年叅議柴經建

兵備道在衛北弘治八年副使周鳳建嘉靖三十一年副

使寥天明增拓

副使焦希程兵備道題名記祖宗以神武戡僭亂文德

開太平禮樂衣冠徧于異域洪武十五年壬戌置貴州

都司永樂癸巳置審司庚子置憲司分貴寧新鎮二

二十一年癸卯復置安平思仁二道今申背之文歲月

具在是曰分巡而兵馬則寄之叅將焉成化中始設兵

備副使者二貴州迤西一人卽今威清道也及增守備

指揮一人于普安而威清兵備駐安莊由是普定六衛

不隸于叅將矣弘治八年乙卯議以守備徙安莊而移

兵備道于普定時維周公鳳卜址于衛之際地事皆草

創嘉靖元年壬午始頒威清兵備關防仍提督迤西地

方已丑潘泉之臣入觀議增兵備兼分巡辛卯撫按

覆其議于是以威清兼安平都清兼新鎮俱副使設兵備一于畢節兼貴盛一于思石兼思仁俱僉事威奉

兼制異省之接檄者威清則兼制廣西之泗城雲南之

露益二州焉乙巳唐公時英始增署左之廊屋庖湍壬子廖公天明買民居闢外門與天馬山對而表以棹楸

乙卯王公璧乃崇其堂廡門亭遂煥然改觀焉丙辰希程承之而來追尋往政以為矜式而圖志無徵文藜露

蝕近歲諸公間可得其姓氏而遠者漠然矣夫思齊內省三人我師矧云荒徽為滇南襟喉懷之以恩或失則

事弛墜之以威或失則激行伍已虛駭役駢遞則賦告虛矣仰給鄰省不虞之戒又非所易語者苟流風之不泯斯

亦畫一之可施求其姓名今已難矣况其他乎而况益以庶歲舟豈不為尤難乎于是拾遺牒卷父老敝精竭神勞

搜幽證上邇成化以至于今凡得二十有三人喜而親書于石蓋知其人斯其政可稽矣顧不自鄙而竊附焉

虛其左方以俟後之君子於戲覽斯石者將有品題而登斯石者獨無自愛也乎

點譜卷之二十四
治署志下
三十一
稅課局在城外東街隸鎮靈州

鎮靈州

鎮靈州治洪武十六年建於大烘哨嘉靖十年御史郭弘化題改於安莊衛知州張邦珠建○稅課局在安定衛城內洪武十六年建正統二年改屬本州○預備倉在州治東一

安莊衛與州同城衛治在城南洪武二十二年指揮陸東

建○經歷司在衛堂左○鎮撫司左右中前後五所俱在

衛右○安莊倉在城東洪武二十二年建隸布政司○預

備倉在衛左右今廢○養濟院在衛東

察院在城東正統間建

安平道在城東南正統九年僉事屈伸建

兵備分司在城南成化八年建○守備署在察院後舊爲

永靈州治今改州於安南衛萬曆八年守備楊雲程詳建

○關嶺守禦千戶所在城五十里洪武二十二年建○關

索嶺倉在所城內弘治初置○白水堡在安莊城西○北

口堡在城南五十五里○南口堡在查城站西俱洪武間

建

永寧州

永寧州治初建於打罕寨宣德間改建於關嶺所嘉靖十一年御史郭弘化題改於安莊衛萬曆四年兵備楊啟元議安南無有司節制題改建於安南衛城制始定○永豐倉在衛右萬曆五年建○預備倉○養濟院○徵糧行館在關嶺所知州趙文禎建○頂營司治在州南○募役司治在州西一百七十里○盤江巡檢司治在黃土坡今遷州治東西十里盤江橋下萬曆十一年建○普東公館安南公館俱在盤江浮橋兩岸萬曆二十二年知州吳天佑

建

安南衛與州同城衛治洪武二十五年建○經歷司鎮撫司左右中前後五所俱在治內○預備倉在衛前嘉靖五年燬今改在衛外○養濟院在衛前

布政分司在城北

按察分司在城東○尾麗堡附衛○演武場在教場內○盤江哨署嘉靖四十一年建

普安州

普安州治故在城外營盤山左萬曆十四年知州劉承範

呈詳撫按會題以城內守備司相易創建

提學吳堯弼普安州新遷入衛城記畧介滇黔之間爲

興古地故有州地無城郭遷入衛城自今日始州守劉

子承範謁吳子請曰興古邊陲重地也高皇帝時設

府隸於滇藩無何改黔爲州州治始宅撒麻繼遷海子

又再遷衛郭外迄無能城其居者則以人曠土瘠物力

訕之亦傳舍其身者首幸一時無事之安而已故弘治

中米魯蠢動州治幾殘爲甌脫蓋衛弁秦越我州人我

州人以無城受其敵衛雖有城若無城比非往事得失

之鏡與今上御曆十三禩帝軫邊計特簡大中丞舒

公持節來撫茲土諏谷地方利便遂昌鄭君特爲治兵

使者以州治請遷先是署郡事黎德雄者始建築城之

議繼以工鉅帑匱恃不決侍御毛公按部因先後議落

落難其請而樂因循者亦遂姑爲脩葺議矣中丞公毅

然曰事有出于一時而關千百載之利害者當爲民社

慮不當爲會計惜卽郡城未可卒辦獨不可同衛城居

乎矧畏難與畏遷爲目前計得矣非所謂保障計深遠

也區區工費不穀富有以報遂與侍御公合筭疏請

制曰可事下當道有司當是時鄭君以豫章參藩行今
陳君來代欣然曰是余之志也夫適永寧守陶子希舉
衛使李承霖相宅厥既得卜於守備之舊署而承範亦
已 觀事畢復任經之營之一稟成筴爲堂三楹儀門
三楹鼓樓三楹前後退食公堂亦各三楹公署以官居
者各一區儀仗戒石寅賓諸廳各一所胥吏解舍諸亭
具備計其費以金計者可近七百廩粟以碩計者可二
百餘取諸縣官之緡錢者什之半出於公所捐措者亦
居什之半 興於萬曆丙戌之冬迄於丁亥之春蓋不

空載而厥成厥如也於戲美哉

副使邵以仁普安州題名記畧普安古興古地 國初
置軍民府永樂中改州始建黔其民夷其俗朴而衛之
弟子員亦惟州約束是守也固軍民之所共待命待教
者也舊未有題名是以諸大夫名氏泯泯焉會今 上
軫念邊計可大中丞舒公侍御毛公奏遷治入衛城而
郡守劉大夫躬任勞費多方經畫四閱月而告成詳在
學憲吳公記中繼而大夫又曰題名亦烏可終已也乃
勒石左介而屬不佞記其事不佞聞之名者實之實也

彼其負不令以敗名者下也違道以于巫人知而名者耻也孔子曰斯民也三代之直道而行者也民心合則不譽而榮民心離則不毀而辱四境一守佐守者二幕守者一昭然若揭白日而陳于庭固有目者所共覩有手者所共指也夫上之視下也若處明也下之視上也若處暗也處明者不見暗中一物而處暗者能明見中區事先王之畏民若皆是物耳考之郡籍詢之父老若陶梁之撫字袁黃之清廉徐之剛介以至蕭之鎮靜蘇之振作賴之貞純固守之表表者然要之名實合一功

在社稷則自不佞有知惟劉大夫一人而已故書之爲

記

陰陽學醫學俱萬曆十四年改建○稅課在州北○普

濟倉在城內西隅○預備倉○養濟院知州蘇兆印建

察院在城東

分司在州左○守備署以舊州治改建

普安衛與州同城衛治在城東洪武二十二年建萬曆二

十年重脩○經歷司在衛堂左○鎮撫司在衛後○左右

中前後中左中右七所俱在衛左右○平夷所治在西二

百里○安南所治在東一百五十里○樂民所治在南一百里○安籠所治在南三百里○新興堡治在東七十里建置年月同衛治

威清衛

威清衛治在城南洪武二十七年建○經歷司鎮撫司左右中前後五所俱衛治左右○威清倉在城內○養濟院在治東南指揮高節建○察院在城內

布政分司在城內十字街

按察分司在城東○道武廳在站外

平壩衛

平壩衛治在城內西北隅洪武二十三年建○經歷司鎮撫司俱衛治內○左右中前後五所俱衛治左右○永豐倉在城內永樂間建赫本衛正統十四年改名平壩倉○養濟院在城北小街

察院在城內西

布政分司在城內西

按察分司在城北

畢節衛

畢節衛治在城西嘉靖十五年災兵備施昱改遷南門內
四十三年兵備蔣春生復遷城西萬曆十年兵備胡有建
立城東北○經歷司鎮撫司俱舊治西○左右中前後五
所在分司前○預備倉二在衛治後一畢節站一五所○
養濟院在衛治東○惠民藥局在衛治東○
察院在城南○布政分司在察院右○兵巡道在東門右
嘉靖二年建

僉事施昱畢節兵道題名記貴州古荒服三代以上未
前開也淫驕王滇道始通漢事西南夷其地始郡然號
稱靡莫惟事羈縻歷唐及元聲教之暨未有如今日者
混一之初尚以其地分隸四川湖廣雲南相去并遙弗
便于治永樂十一年始割三省地置貴州等處承宣布
政使司都指揮使司以領之置提刑按察司以監之于
是特爲一省與浙江等處竝爲十三矣然官司之制視
他省爲簡兵備分巡之設各二員統之屬貴寧新鎮各
一道而已也田則提學兼理焉是故所設旣簡所統益
繁東西相距數千里而遙往返政涉之艱歲不能以遍

文移應酬之達月不能以周故事多苟且人無固志其于地方利病漠如也嘉靖二年副使舒公表以威清兵備帶管迤西始于戴亂定禍之餘建道于茲而凡駐劄者有所止矣然東西兼攝往返之勞猶昔也歲辛卯巡撫劉公上元始建議析貴寧爲畢節威清新鎮爲思石都清各二道以副使僉事各分治之屯田則各以其地隸焉而又各以所近兼制川湖雲廣之徼而各駐于要衝下是天子允其議降璽書以責成之其在畢節者曰整飭畢節等處兵備分巡貴寧道駐劄畢節不特往來巡歷水寧烏撒赤水等衛兼以屯田而以僉事領之則合兵備分巡屯田之政爲一矣是故以其地則川雲之徼皆得治之以其民則漢夷之類皆得子之以其政則兵馬錢糧典章刑法皆得理之厥任亦重也已豈猥以庸劣欽奉璽書職謝宏猷才慚經濟懼無以仰承天子明命蚤夜兢兢欲寡過而未能也尚賴前哲諸君子嗣蒞茲土咸克用乂而余小子遵厥緒餘靡易軌轍幸享承平之績不可謂非昔人之貽也然交代匪常案牘鮮具既乏可稽之文兼寡足徵之獻至其姓氏亦罔

聞知可懼也哉援摺往牒載訪鄉士有教官馬運監生
阮燾者以舒公而下若干人來復皆嘉靖以後耳目所
及者正德以前則莫能悉矣是懼後之視今猶今之視
昔也廼列諸公姓名履藉勒諸瑱石藐予小子亦竊附
焉蓋不徒闡先哲之休光抑以爲後人之龜鑑也

駐鎮廳署在城南萬曆三年題設以貴陽府通判駐鎮自
高珍始

馬撒衛

馬撒衛治在城內洪武十五年建○經歷司鎮撫司俱衛
內○左右中前所在衛前東西○後所六城二百四十里
嘉靖間重建○馬撒倉在城內洪武間建○守備府舊在
學右萬曆十年改建於左○預備倉在衛左○養濟院在
衛東

察院在衛左嘉靖三十四年御史陳效古建○布政分司
在城內永樂間建○按察分司在城內西宣德間建○分
守道在衛右故兵備道萬曆六年改脩○都司分司在城
西南隅正統間建○通判署在分守道左

赤水衛

赤水衛治洪武二十五年建○經歷司鎮撫司俱衛內○左右中後所在衛前東西○前所在衛南一百里卽屬臺故址○赤水倉在城內隸布政司○預備倉在赤水倉內○養濟院在北門街

察院在城內北○按察分司在城內○白撒所在衛南七十里○摩尼所在衛北四十五里○阿落窰所在衛南四十里○演武廳在城外東山上

永寧衛

永寧衛治洪武四年指揮沙仁建卽丁讓鎮邊元帥府舊基○經歷司在衛東○鎮撫司在衛東南○左右中前後五所俱洪武八年建○永寧倉在衛城中舊隸四川萬曆元年御史楊允中題准改隸本衛○養賢倉在明倫堂後收貯義谷以濟貧生○預備倉在南門外○養濟院在東門外

察院在永寧倉西萬曆七年建○貴寧道在城內○川南道在城內宣撫司建

四川永寧宣撫司治洪武四年宣撫祿肇以總管府舊址改建永樂九年同知戴亮重修○經歷司○陰陽學○醫

學○稅課局○界首茶課司

普市所

普市所治在城內東南隅洪武二十二年建○鎮撫司

察院在城西

御史陳克宅詩九月秋將晚墜草木黃旅懷千里迥
客夢五更長赤水空山月白崖滿路霜回頭瞻望處却
憶是咸陽

按察分司在城內西正統間建

龍里衛

龍里衛治在城內經歷司在衛堂右鎮撫司在城內西○
左右中前後五所在衛前俱洪武二十三年建○預備倉
在城內南○養濟院在城內北

察院在西舊為按察分司萬曆元年遷建○布政分司在
城東南永樂間建成化二年指揮賈武脩

駐鎮廳在城內龍里故無駐鎮官萬曆二十九年平播後
撫按題將貴陽府佐於彼駐鎮自推官楊可成始

新添衛

新添衛治洪武二十三年指揮戴欽建隆慶五年指揮錢

守正副使李鳳重建○經歷司在衛堂左○鎮撫司在衛治右○左右中前後五所洪武間建○新添倉在城西景泰三年建隸布政司○預備倉在衛治西南新添倉同貯備賑稻穀○養濟院在衛東成化七年建指揮錢效忠重修

察院二東院萬曆二十一年以舊布政司改建西院弘治十三年建

駐鎮廳在衛治東萬曆六年巡撫何起鳴議移都勻刑廳鎮衛自推官劉啓鵬始萬曆二十九年平播後撫按題將都勻推官改鎮清平平越府推官鎮新添自推官徐雨始○演武廳在北門外里許舊在南門弘治十五年遷○新添司治附郭○小平司治衛西五十里○把平司治衛南六十里○舟平司治衛西南二百里○舟行司治衛西南三百里俱洪武間建

清平衛

清平衛治在城內東洪武二十四年建嘉靖三十五年指揮金詔脩○經歷司在衛堂左○鎮撫司在衛治前○左右中前後五所在治內○中左千戶所正德間苗據香爐

山爲亂後剽平因遷本所於上防禦○清平倉在城東隸布政司○預備倉在城東譙樓左○養濟院在衛治北

察院在衛治西○按察司在衛治西

駐鎮廳在城內清平故無駐鎮官萬曆二十九年平播後

撫按題將都勻府推官駐鎮自推官羅德星始

清平縣與衛同城縣治原在衛城北係清平長官司治正

統間建弘治八年改爲縣治萬曆二十年知縣楊明禮改

遷衛城東二十二年知縣魏自強復遷衛城南○凱里安

撫司治在衛東四十五里

興隆衛

興隆衛治在城內西洪武二十二年額國公傅友德建永

樂三年指揮僉事蕭琳重脩○經歷司在治內○鎮撫司

在治左○左右中前後五所○預備倉五一重安堡一興

隆站一東坡堡一重安哨一長嶺屯○養濟院在衛治東

成化間建

察院在城內○布政分司在城內東南○按察分司在城

內西北

駐鎮廳在城內興隆故無駐鎮官萬曆二十九年平播後

